

摘藻堂四庫全書薈要

史部

欽定四庫全書薈要

史部

欽定大清會典卷七十一

七十一

詳校官編修巨擘晉



欽定大清會典卷七十

工部

尚書滿漢各一人左右侍郎滿漢各二人掌天  
下工虞器用辨物庀材以飭邦事所屬有營繕  
虞衡都水屯田四司

營繕清吏司郎中滿四人蒙古一人漢一人員  
外郎滿五人漢一人主事滿二人蒙古一人漢



二人掌繕治

壇廟宮府城垣倉庫廨宇營房○料估所滿漢各三人

司官簡委

掌審曲面勢以鳩百工○琉璃窑監督滿

漢各一人

司官簡委  
歲一更代

掌大工陶冶○木倉監督

滿漢各一人

司官簡委  
二年更代

掌儲待木材○皇木廠

監督滿一人

司官簡委  
歲一更代

掌稽收運木

虞衡清吏司郎中滿四人漢一人員外郎滿四

人蒙古一人漢一人主事滿三人漢二人掌山



澤採捕及陶冶器用修造權衡武備○寶源局

監督滿漢各一人

司官簡委二年更代

大使滿漢各一人

掌鼓鑄泉布

都水清吏司郎中滿五人漢一人員外郎滿五

人漢一人主事滿四人漢二人掌水利河防橋

梁道路○街道廳滿漢各一人

司官簡委歲一更代掌平

治道塗清理溝洫

屯田清吏司郎中滿四人漢一人員外郎滿五

人漢一人主事滿三人漢二人掌修繕

陵寢供億薪炭○柴薪監督滿正副各一人正監督以年期滿以

副作正別簡○煤炭監督滿二人一以本部司官兼攝一以

內務府司官兼攝均歲一更代掌採取薪炭以供

### 宮府

節慎庫滿郎中一人司官簡委歲一更代滿員外郎一人

司庫二人庫使十有一人掌出納金錢

製造庫郎中滿二人漢一人司官補司匠二人司

庫二人庫使二十二人掌政治金革

堂主事四人掌章奏者滿一人漢軍一人掌案  
牘者滿二人

司務滿漢各一人

筆帖式滿九十三人蒙古二人漢軍十有二人  
視各司之繁簡以為額掌繕譯清漢章奏文籍  
營繕清吏司

宮殿

國家定鼎燕京宅中建極

宮殿之制環以

皇城重以

紫禁城左

太廟右

社稷外

朝內

宮別殿翼室秘省掖垣東西分列不儉不奢萬年

攸宅矣

正陽門之內為

大清門三闕上為飛檐崇脊門前地正方繞以石  
闌左右石獅各一下馬石牌各一門之內千步  
廊東西嚮各百有十間又折而北嚮各三十四  
間皆聯檐通脊東接

長安左門西接

長安右門門各三闕東西嚮兩門之中南嚮者

天安門為

皇城正門

皇城之制廣袤三千六百五十六丈五尺高一丈八尺下廣六尺五寸上廣五尺三寸甃以甃朱塗之上覆黃琉璃城四門南即

天安北曰地安東曰東安西曰西安

天安門五闕上覆重樓九間彤扉三十有六門前

環御河跨石梁五

即外金水橋

石橋前立華表二門

之內立華表二東西兩廡各二十六間東廡正中為

太廟街門西廡正中為

社稷街門兩廡之北正中南嚮者為

端門門制與

天安門同門之內東西兩廡各五間其北東有

太廟右門西有

社稷左門迤北兩廡各四十二間均聯檐通脊為六

科垣舍及部院府寺監朝房又北東出者為

闕左門西出者為

闕右門門北東西廡各三間為王公朝集之所中  
午門為

紫禁城正門門前左設嘉量右設日圭

紫禁城之制南北長二百三十六丈二尺東西長  
三百有二丈九尺五寸高三丈堞高四尺五寸  
五分下廣二丈五尺上廣二丈一尺二寸五分



城四門南即

午門北曰

神武東曰

東華西曰

西華四維角樓各一

午門三闕上覆重樓九間南北彤扉各三十有六  
左右設鐘鼓明廊翼以兩觀傑閣四聳左右各  
一闕西嚮者曰

左掖東嚮者曰

右掖○

外朝之制

午門內東西兩廡各二十二間皆崇基東廡之中  
為

協和門西廡之中為

熙和門門各五間東西嚮兩廡之北正中南嚮者  
為

太和門九間三門重檐崇基石闌前後陞各三出  
左右陞各一出門前列銅獅二其南環以金水  
河跨石梁五即內金水橋左右各一門皆南嚮左曰  
昭德右曰

貞度門各三間門之內東西兩廡各三十二間東  
廡之中為

體仁閣西廡之中為  
弘義閣東廡之北為

左翼門西廡之北為

右翼門各五間皆東西嚮其正中南嚮者為

太和殿基高二丈殿高十有一丈廣十有一間縱  
五間上為重檐垂脊正吻二旁吻四前後金扉  
四十金瑣牕十有六殿正中一間設

御座殿前為丹陛環以白石闌陛五出各三成列鼎  
十有八銅龜銅鶴各二日圭嘉量各一丹墀為  
文武官行禮位范銅為山形鑄正從一品至九

品清漢文東西各二行行十有八列於

御道兩旁殿左右各一門左曰

中左右曰

中右皆三間南嚮殿之後東西兩廡又各三十間  
正中南嚮者為

中和殿縱廣各三間方檐圓頂金扉瑣牕各二十  
有四南北陞各三出東西陞各一出殿之後為  
保和殿九間前陞各三出與

太和殿丹陛相屬

中和殿左右陛各三成東西出

保和殿後陛三成三出北嚮殿左右各一門左曰

後左右曰

後右皆三間南嚮前後出陛其北東為

景運門西為

隆宗門三門五間前後出陛東西嚮正中

乾清門為

內宮正門○

內宮之制

乾清門南嚮五間三門前三出陛環以石闌陛前列金獅二門內左右陛北出者二正中南嚮者為

乾清宮廣九間縱五間中設

寶座前為丹陛列寶鼎龜鶴日圭嘉量丹陛中道與乾清門相屬左右陛南出者二東西出者各一宮

之東為

昭仁殿西為

弘德殿皆南嚮東廡為

端凝殿西嚮其南東出者為

日精門西廡為

懋勤殿東嚮其南西出者為

月華門宮之北正中為

交泰殿金頂制與



中和殿同殿後為

坤寧宮宮之東為

東暖殿西為

西暖殿宮後正中北嚮者為

坤寧門門後正中南嚮者為

天一門後為

欽安殿殿後北嚮者為

承光門門之後左曰

延和門右曰

集福門中為

順貞門後曰

神武門為

紫禁城北門以上宮殿門廡皆崇基上覆黃琉璃  
門設金釘闌柱牕扉丹壁青瑱咸雕

鏤繪  
○由

日精門而東南出者曰

內左門門之北南嚮者曰

近光左門自是而北為東一長街街東以次列三宮前為

景仁宮其北為

承乾宮又北為

鍾粹宮三宮之東為東二長街街東以次列三宮前為

延禧宮其北為

永和宮又北為

景陽宮

日精門之東為

齋宮殿曰

孚顓殿齋宮之東為

毓慶宮殿曰

惇本殿前為

祥旭門外為

前星門宮垣東嚮之門為

昭華門又東為

蒼震門由

月華門而西南出者曰

內右門門之北南嚮者曰

近光右門自是而北為西一長街街西以次列三

宮前為

永壽宮其北為

翊坤宮又北為

儲秀宮三宮之西為西二長街街西以次列三宮  
前為

啟祥宮其北為

長春宮又北為

咸福宮三宮之北為

重華宮殿曰

崇敬殿宮之西為

建福宮殿曰

撫宸殿宮之南為

延慶殿

月華門之西為

養心殿宮垣西嚮之門為

啟祥門又西為

長庚門○

景運門之東為

奉先殿西門曰

誠肅門正門曰

奉先門中為

正殿後為

寢殿皆九間南嚮如

太廟寢制左列

神庫前列

神厨

奉先殿之東為



寧壽宮其北為

景福宮南為

撝芳殿由

協和門東出為

文華殿後為

主敬殿東為

傳心殿門曰

景行門後列祭庫

神厨其前稍東東出者

東華門為

紫禁城東門○

隆宗門之西為

慈寧宮前為

慈寧門門東為

永康左門西為

永康右門前為

長信門又前為

長慶門東為

慈祥門宮之西為

壽康宮北為

壽安宮宮之東為

中正殿殿之西為

英華殿由

熙和門西出為

武英殿前跨石梁三西為

咸安宮南為

南薰殿西出者

西華門為

紫禁城西門

凡營建

宮殿皆先期上請

欽命大臣會部督建至

午門以內

乾清門以外及

皇城

紫禁城有應修葺者報部會估如工鉅則冬庀材  
春舉工事竣題銷其隨時修繕銀數至百兩以  
上者管工官具其工直之實於御史御史赴工  
勘驗會部覈銷不符者劾之

凡

皇城垣部遣官以時巡視補其闕損與丹雘之剝落者去草之蔓生者其南歲一第治東西北五歲一第治

凡修建

宮殿所需物材攻石煉灰皆於京西山麓柵木採於湖南福建四川廣東杉木採於江南江西浙江湖北金甌取備於江蘇城甌取備於臨清琉璃甌甃取備於京窖五金之用采色之需悉取

給於戶部工竣皆由部覈實題銷

凡

宮殿工成在工員役均別久暫敘賞有差

欽定大清會典卷七十



欽定大清會典卷七十一

工部

營繕清吏司

壇廟

凡

壇廟規制

園丘在正陽門外南郊形圓象天南嚮三成上成徑九丈

高五尺七寸二成徑十有五丈高五尺二寸三成

徑二十一丈高五尺上成石面九重自一九環甃

遞加至九九二成自九十遞加至百六十有二三

成自百七十有一遞加至二百四十有三合一三

五七九陽數每成四出陞皆白石九級上成石闌

七十有二二成百有八三成百八十合三百六十

周天之度柱如之內墻形圓周百有六丈四尺高

五尺九寸墻門四皆六柱三門柱及楣闕皆白石

扉皆朱櫺壘外東南兩地燔柴鑪一高九尺徑七尺甃以綠琉璃瘞坎一東南燎鑪五西南鐙杆三外壝形方周二百十丈一尺高八尺六寸門制與內壝同燎鑪四分設於壝東西門之左右壝北門後為

皇穹宇南嚮環轉八柱圓檐上安金頂基高九尺徑五丈九尺九寸石闌四十有九東西南三出陛各十有四級左右廡各五間一出陛殿廡覆瓦均青色琉

琉璃園垣形圓周五十六丈六尺八寸高丈有八寸  
南設三門崇基石闌前後三出陞各五級外壝東  
門外東北隅

神庫

神廚各五間井亭一祭器庫樂器庫椽薦庫各三間  
又東為宰牲亭井亭各一壝外內垣門四東曰泰  
元南曰昭亨西曰廣利北曰成貞皆朱扉金釘縱  
橫各九昭亨門外東西坊各一

祈年殿在成貞門北壇圓三成南嚮上成徑二十一丈五尺二成徑二十三丈二尺六寸三成徑二十五丈面甃金甃圍以石石闌四百二十南北三出陞東西一出陞上成二成各九級三成十級壇上建祈年殿制圓內外柱各十有二中龍井柱四檐三重上安金頂左右廡各九間均覆青琉璃前為

祈年門崇基石闌前後三出陞各十有一級門外東南燔柴鑪一座坎一燎鑪五制如

園丘內壝周百九十丈七尺二寸門四北門後為

皇乾殿五間上覆青琉璃南嚮正面三出陛東西一出陛  
各九級石闌五十有九內壝東門外長廊七十二  
間二十七間至

神廚井亭又四十五間至宰牲亭為祭時進俎豆避  
雨雪之用壝外園垣東西北三面各有門南接成  
貞門成貞門外西北為

齋宮東嚮正殿五間崇基石闌三出陛陛前左設齋

戒銅人石亭一右設時辰碑石亭一後殿五間左  
右配殿各三間內宮牆方百二十三丈九尺九寸  
中三門左右各一門牆外環池前跨石梁三左右  
各一東北隅鐘樓一外宮牆方一百九十八丈二  
尺環以迴廊一百六十三間復遶以深池宮門石  
梁均與內同廣利門外西北為神樂署東嚮大門  
三間中凝禧殿五間後顯佑殿七間凡奉祀協律  
各廡舍均連檐通脊分設廊廡中西為犧牲所大

門三閒南嚮房九十三閒中祀

犧牲之神後為官署東西列屋以飼牲牽外垣內

西南鐘樓一

園丘

祈年殿共圍垣二重內垣高丈一尺址厚九尺頂厚七尺  
周千二百八十六丈一尺五寸外垣高丈一尺五  
寸址厚八尺頂厚六尺周千九百八十七丈五尺  
西嚮門二南北並列南入



園丘北入

祈年殿皆三門角門一〇

方澤在安定門外北郊形方象地方折四十九丈四尺  
四寸深八尺六寸濶六尺澤中貯水方丘北嚮  
二成上成方六丈下成方十丈六尺均高六尺  
上成正中六六方甃外八方均以八八積成縱  
橫各二十四路二成倍上成八方八八之數半  
徑各八路以合六八陰數皆甃以黃色琉璃每

成四出陞各八級皆白石二成上南左右設五  
嶽五鎮五

陵山石座鑿山形北左右設四海四瀆石座鑿水形均  
東西嚮水形座下鑿池貯水以祭內壝方二十  
七丈二尺高六尺厚二尺壝北三門六柱東西  
南各一門二柱柱及楣闕皆白石扉皆朱櫺壝  
北門外東北鐙杆一西北瘞坎一燎鑪五外壝  
方四十二丈高八尺厚二尺四寸門制與內壝

同東西門內從壇瘞坎南北各二壝南門後

皇祇室五間北嚮覆黃琉璃圍垣正方周四十四丈八尺高丈一尺北嚮設一門外壝西門外

神庫

神厨祭器庫樂器庫各五間井亭二又西為宰牲亭亭前井亭左右各一西北為

齋宮東嚮正殿七間崇基石闌五出陞左右配殿各七間內宮門三間左右門各一外宮牆周百

有十丈二尺門三東嚮門東北鐘樓一壇內垣  
周五百四十九丈四尺北西各三門東南各一  
門外垣周七百六十五丈西嚮門三角門一○  
太廟在

闕左南嚮朱門丹壁覆以黃琉璃衛以崇垣大門  
三左右門各一

戟門五間崇基石闌中三門前後均三出陸中九  
級左右各七級門內外列戟百有二十左右門

各三間均一出陛各五級

前殿十有一間重檐脊四下沉香柱正中三間飾金梁  
棟階三成繚以石闌正南及左右凡五出陛一  
成四級二成五級三成中十有一級左右九級  
中殿九間同堂異室內奉

列聖

列后神龕均南嚮後界朱垣中三門左右各一門內為  
後殿制如

中殿奉

祧廟神龕均南嚮

前殿兩廡各十有五間東廡為配饗公王位西廡為配

饗功臣位東廡前西廡南燎鑪各一

中殿

後殿兩廡各五間均藏祭器

後殿東廡南燎鑪一

戟門外東西井亭各一前跨石梁五橋南東為

神庫西為

神廚各五間廟門東南為宰牲亭井亭廟垣周二  
百九十一丈六尺西南

太廟街門五間西北

太廟右門三間均西嚮○

社稷壇在

闕右

壇制方北嚮二成高四尺上成方五丈二成方五丈

三尺四出陞各四級皆白石上成以五色土辨  
方分築內壝方七十六丈四尺高四尺厚二尺  
甃以四色琉璃甃各隨方色覆瓦亦如之門四  
各二柱柱及楣闕皆白石扉皆朱櫺內壝西北  
瘞坎二壇北

拜殿戟門各五間戟門列戟七十有二均上覆黃  
琉璃前後各三出陞內壝西南

神庫



神廚各五間井一壇垣周二百六十八丈四尺內  
外丹雘覆以黃琉璃北三門東西南各一門西  
門外宰牲亭一井一壇北門外東北隅正門一  
左右門各一南門外東南

社稷街門五間東北

社稷左門三間均東嚮○

日壇在朝陽門外東郊制方西嚮一成方五丈高五  
尺九寸面甃金甃四出陛皆白石各九級圓壇

周七十六丈五尺高八尺一寸厚二尺三寸壇  
正西三門六柱東南北各一門二柱柱及楣闕  
皆白石扉皆朱櫺壇西門外燎鑪一瘞坎一西  
北鐘樓一壇北門外東為

神庫

神廚各三間宰牲亭井亭各一北為祭器庫樂器  
庫椽薦庫各三間西北為

具服殿正殿三間南嚮左右配殿各三間衛以宮

牆宮門三南嚮壇垣周二百九十丈五尺西北  
各門一皆三門北門西角門一覆瓦均綠色琉  
璃○

月壇在阜成門外西郊制方東嚮一成方四丈高四  
尺六寸面甃金甃四出陛皆白石各六級方壇  
周九十四丈七尺高八尺厚二尺二寸壇正東  
三門六柱西南北各一門二柱柱及楣闕皆白  
石扉皆朱櫺壇東門北門外燎鑪各一瘞坎一

東北鐘樓一墻南門外西為

神庫

神廚各三間宰牲亭并亭各一南為祭器庫樂器  
庫各三間東北為

具服殿正殿三間南嚮左右配殿各三間衛以宮  
牆宮門三南嚮壇垣周二百三十五丈九尺五  
寸東北各門一皆三門北門東角門一覆瓦均  
綠色琉璃○

前代帝王廟在阜成門內南嚮

廟門三間左右門各一前石梁三內

景德門五間崇基石闌前後三出陞中十有一級  
左右各九級左右各一門正中

景德崇聖殿九間重檐崇基石闌南三出陞中十有  
三級左右各十有一級東西一出陞各十有二  
級兩廡各七間燎鑪各一殿東

御碑亭一後祭器庫五間均南嚮景德門外東為

神庫

神廚各三間宰牲亭井亭各一西為承祭官致齋  
所東南鐘樓一圍垣周八百十六丈三尺八寸  
廟門外東西下馬牌各一凡正殿門廡均覆綠  
琉璃門楹塗丹梁棟五采○

先師廟在安定門內太學左南嚮街門三間西為持  
敬門一間西嚮

大成門五間崇基石闕中三門前後三出陞門左

右列戟二十有四石鼓十右石鼓音訓碣一左  
右各一門門內東西列舍各十有一間北嚮

大成殿七間崇基石闌三出陞正面十有二級東  
西各十有七級兩廡各十有九間東西嚮殿東  
西列舍各十有一間南嚮西廡南燎鑪一西北  
瘞坎一甬道左右

御碑亭八

大成門外東為

神廚五間宰牲亭并亭各一西為

神庫五間承祭官致齋所三間更衣亭一每科進  
士題名碑分列左右外衛崇垣凡正殿正門碑  
亭皆覆黃色琉璃餘屋均甃瓦楹柱門扉均丹  
飾梁棟五采後為

崇聖祠

正殿五間東西廡各三間燎鑪一廟門三間南嚮  
圍垣一重門一西嚮正殿正門均覆綠琉璃門



楹丹雘兩廡甃瓦門楹同

廟街門外東西下馬牌各一○

先農壇在正陽門外西南制方南嚮一成方四丈七尺高四尺五寸四出陞各八級東南為瘞坎壇北為殿五間以藏

神牌東

神庫西

神廚各五間左右井亭各一東南為

觀耕臺方廣五丈高五尺面甃金甃四圍黃綠琉璃東西南三出陛各八級繞以白石欄柱前為耜田後為

具服殿五間南嚮三出陛南九級東西各七級東北為

神倉中廩制圓前為收穀亭左右倉十有二間後為祭器庫繚以周垣南門一○

太歲殿在

先農壇之東北

正殿七間南嚮三出陛各六級東西廡各十有一間前為拜殿七間拜殿東南燎鑪一壇內垣南北東西各三門○

神祇壇在

先農壇內垣外之東南正南三門繚以重垣東為天神壇制方南嚮一成方五丈高四尺五寸五分四出陛各九級壇北設青白石龕四鏤以雲形各

高九尺二寸五分祀

雲雨風雷之神壇方二十四丈高五尺五寸壇正南  
三門六柱東西北各一門二柱柱及楣閭皆白  
石扉皆朱櫺西為

地祇壇制方北嚮一成廣十丈縱六丈高四尺四出  
陛各六級壇南設青白石龕五內鏤山形者三  
祭

五嶽五鎮五山之祇鏤水形者二龕下四圍鑿池祭

則貯水祭

四海四瀆之祇各高八尺二寸壇東從位石龕山水  
形各一祭

京畿名山大川之祇西從位石龕山水形各一祭  
天下名山大川之祇各高七尺六寸壇方二十四  
丈高五尺五寸壇正北三門六柱東西南各一  
門二柱柱及楣闕皆白石扉皆朱櫺

壇內垣東門外北為

慶成宮南嚮正殿五間崇基石闌前左右三出陛  
各九級後殿五間左右配殿各三間正殿前時  
辰牌石亭一內宮牆南三門東西掖門各一外  
宮牆南中三門左右各一門東南鐘樓一壇外  
垣周千三百六十八丈東嚮門二南北並列南  
入

先農壇北入

太歲殿皆三門角門一○

先蠶壇在西苑之東北制方南嚮一成徑四丈高四尺四出陛各十級西北為瘞坎壇東南

先蠶神殿三間西嚮朱扉覆以綠琉璃崇基三出陛左右宰牲亭一井亭一北為

神庫南為

神廚各三間壇東為

採桑臺方廣三丈二尺高四尺臺面甃以金甃圍以白石南東西三出陛各十級繞以朱闌前為

桑園採桑臺後為

具服殿五間南嚮三出陛各五級東西配殿各三  
間後殿五間東西配殿各三間四周迴廊二十  
間均覆以綠琉璃宮牆自殿南東西轉各北抵  
外垣東南西各一門浴蠶河在宮牆東自外圍  
北垣流入由南垣出垣下各設牖啟閉木橋二  
橋東蠶署三間蠶室二十七間連檐通脊均西  
嚮壇垣周百六十丈西南隅正門三左右門各



一西北隅角門一壇垣南室二重各五間均西嚮○

顯佑宮在地安門外南嚮繚以周垣

廟門三間

顯佑門三間

正殿五間崇基石闌三出陞中九級東西各七級  
兩廡各五間殿前左右碑亭各一東南燎鑪一  
後殿五間廟門內東西鐘鼓樓各一廟門外牌坊

一凡正殿門樓均黑綠琉璃餘均甃瓦門楹丹  
獲梁棟飾以五采○

火神廟在地安門外繚以周垣

廟門一間東嚮左右門各一內為牌坊門

正殿三間南嚮西廡三間東嚮南殿三間左右各  
三間東西廡各一間燎鑪一正殿後閣五間東  
西各三間後羣樓十有五間廟門內南北鐘鼓  
樓各一廟門外牌坊一門樓覆黃綠琉璃殿覆

綠琉璃門楹丹雘梁棟五采○

都城隍廟在宣武門內南嚮繚以周垣廟門順德門闡威門凡三重均三間左右門各一

前殿五間東西兩廡各三間迴廊各二十二間連檐通脊前為甬道東

御碑亭一西燎鑪一

後殿五間闡威門外東為治牲所三間井亭一門南東西鐘鼓樓各一凡殿宇門廡覆甃瓦門楹

丹雘梁棟五采○

東嶽廟在朝陽門外南嚮內外圍垣二重

廟門三間牌坊門三間

瞻岱門五間

正殿七間兩廡各三間迴廊各三十六間連檐通

脊前為甬道左右

御碑亭各一燎鑪二左右牆門各一

後殿五間東西廡各三間迴廊各七間三面環樓

三十三間廟門內鐘鼓樓各一廟門外石梁三  
左右鐵獅各一前建琉璃坊東西牌坊各一凡  
殿宇門廡皆甃瓦綠琉璃邊門楹丹雘梁棟五  
采

御碑亭覆黃琉璃鐘鼓樓覆綠琉璃○

黑龍潭

龍神廟在

京西北三十里金山之西

正殿三間東嚮崇臺朱闌殿左燎鑪一前為廟門  
繚以朱垣門外

御碑亭二又前為牌坊左右碑亭各一東北為龍潭水  
從山峽流出繞潭迴廊三十三間潭南小潭一  
其外為大門自殿至大門凡五層磴道百級

御碑亭正殿廟門牌坊均覆以黃琉璃餘均甃瓦門楹  
丹雘梁棟五采神廚治牲所皆在廟外之右○

玉泉

龍神祠在

京西玉泉山之麓

正殿三間東嚮覆以黃琉璃門楹丹雘梁棟飾以金碧其下玉泉趵突蕩漾成湖殿階上下左右御書碑各二燎鑪一○

先醫廟在太醫院署內之左圍垣一重廟門一間咸濟門三間左右更衣室各三間

景惠殿三間南嚮左右步廊六間東西廡各五間

廟門南燎鑪一凡正殿門廡覆甃瓦門楹丹牕  
梁棟五采○

關帝廟在地安門外南嚮繚以周垣

廟門一閒左右門各一

正門三閒

前殿三閒三出陛各五級東西廡各三閒殿西

御碑亭一東廡南燎鑪一廡北齋室各三閒殿後界牆

一重門三內



後殿五間東西廡及燎鑪與前殿同殿後東為祭  
器庫西為治牲所各三間石梁一在廟門外凡  
正殿門廡均覆綠琉璃餘均甃瓦門楹丹楹梁  
棟五采○

昭忠祠在崇文門內南嚮圍垣一重正門五間  
三階左右門各一二門三間左右

御碑亭各一

正殿七間南嚮左右序各七間東西樓各五間

樓南兩廡各三間殿東燎鑪一西嚮殿後正屋  
五間左右屋各三間正屋左右羣房各五間左  
右屋之旁羣房各三間均南嚮東西燎鑪一殿  
東為祭器庫宰牲房治牲所井亭正門前石獅  
二東西門各一凡殿門正屋均覆綠琉璃餘均  
甃瓦門楹丹雘梁棟五采○

賢良祠在地安門外南嚮繚以周垣大門二門  
各三間左右門各一

正殿三間東西廡各三間東廡南燎鑪一後屋  
五間兩廡及燎鑪如前左右門各一東為治牲  
所西為宰牲房二門外左右

御碑亭各一凡正殿正門均覆綠琉璃餘均甃瓦門楹  
丹雘梁棟五采○

雙忠祠在崇文門內南嚮圍垣一重大門三間  
左右門各一正中

御碑亭一二門一間正屋三間東西廡各三間東廡

南燎鑪一凡正屋正門均覆黑琉璃其餘門楹  
梁棟之制與

昭忠祠同○

功臣專祠武壯王祠在廣寧門外恪僖公祠宏  
毅公祠均在安定門外勤襄公祠在朝陽門外  
文襄公祠在德勝門外恪僖公祠在東安門內  
各正屋三間兩廡各三間大門三間均覆以黑  
琉璃門楹朱飾前立碑一燎以朱垣繞以朱柵

○兩翼忠孝祠節孝祠各大門一間內立石碑  
一二門一間正屋三間兩廡各三間後屋五間  
兩廡各三間大門外各建牌坊一

凡建造

壇廟由部營度或內務府或太常寺委官會同計費以  
聞動支戶工二部庫帑公同監造覈實奏銷如恭遇  
皇帝視學

釋奠及六師奏凱勒石於國學

大成殿之前每科進士題名勒石於戟門外兩旁  
均由部委官料估興修工竣題銷

凡修葺

壇廟工程由部會太常寺估修循例奏銷至每屆祭期  
先時整飾及歲修祭器各工均由太常寺官經  
理計一歲所需豫請由戶部支給年終奏銷如  
有工鉅費繁者繪圖上請選官任事

欽命大臣督率動支戶部庫帑工竣奏銷在工官議

敘有差

凡禁令各

壇廟十有五步之內禁止開渠栽種如有附近瘞埋令該城御史察勘督遷其無力者報部酌給以銀至各

壇廟遇有應修所司不即具報以致損失木石等物者題叅議處

凡直省

壇廟各督撫飭守土官察其境內之應修者計費申報咨部動項葺治工竣請銷其祭器未備以及歲久殘闕者亦飭有司按數修造以供祀事

文廟學宮均動帑修葺如有薦紳生監等願修者聽仍列名以

聞交部議敘

嶽鎮海瀆神廟及

先聖先賢名臣忠烈祠宇有傾圯應修者地方有司



動本省公項葺治報部覈銷



欽定大清會典卷七十一



總校官候補中書臣吳紹潔

校對官編修臣莫瞻菴

謄錄監生臣吳靖

欽定四庫全書叢要

史部

欽定大清會典卷七十四

二十五

詳校官編修臣繆晉



欽定大清會典卷七十二

工部

營繕清吏司

城垣

凡都城之制內城周四十里闕九門南曰正陽崇  
文宣武東曰朝陽東直西曰阜成西直北曰安定  
德勝四維角樓各一四周修七千八百七十九丈



八尺崇三丈五尺各有奇堞廣五尺有八寸趾厚

六丈二尺上濶五丈下設水關七正陽門東西各一崇文門東宣

武門西朝陽門南東直門南德勝門西各一外為重城環內城南面轉

抱東西兩角樓迤北而止廣袤二十八里關七門

南曰永定左安右安東曰廣渠東便西曰廣寧西

便角樓六三面修四千六百三十二丈七尺有奇

崇二丈堞廣四尺趾厚二丈上濶丈有四尺下設

水關三東便門東西各一西便門東一各門建城闔形皆圓內九

門惟東直西直門外七門惟永定門形方東西便  
門無城闔門各啟樓樓前對峙者為譙樓城闔門  
各啟闔樓一惟正陽門闔樓三內外城各啟角樓  
城梁共二百三十有五旗礮房九儲火藥屋及列  
戍二百二十五所○內城濠源發玉泉山西北入  
城經

大內二支分流自東西御河出遶九門匯流達大通  
橋兩岸各甃甃石其所經城下皆設牐以導出入

外城濠亦自玉泉山分流環遶九門東達運河

凡都城修繕儲火藥屋傾圯由步軍統領移部察覈奏修城面滲漏城濠或水潦衝齧內城部達其屬治之外城順天府尹及五城官治之工竣均由部勘驗堅否限以三年保固其驗不如式及限內坍塌者令原修官賠修以示懲罰

凡直省城垣各督撫察其所屬境內之崇廣深厚及傾圯與否詳覈丈尺登諸冊以時稽其修廢工



省則有司於農隙繕治工費浩繁者州縣申督撫  
報部疏請興舉其有玩視不修不報者劾之守土  
官更代必按籍稽覈有不符者分別先後賠修○  
歲旱潦督撫酌量緩急次第修築寓賑濟於工程  
凡城垣禁令內外城樓禁民登臨及竊執者有  
犯皆論如律○各省城垣令督撫率屬加意防  
護毋縱民登陟有殘闕處急修整嚴禁踰越以  
防姦宄

府第

凡親王府制正門五間啟門三繚以崇垣基高三尺正殿七間基高四尺五寸翼樓各九間前墀環護石闌臺基高七尺二寸其上後殿五間基高二尺後寢七間基高二尺五寸後樓七間基高尺有八寸共屋五重正殿設座基高尺有五寸廣十有一尺修九尺後列屏三高八尺繪金雲龍雕龍有禁凡正門殿寢均覆綠琉璃脊

安吻獸門柱丹雘飾以五采金雲龍文禁雕刻  
龍首壓脊七種門釘縱九橫七樓屋旁廡均用  
甃瓦其為府庫為倉廩為廚廐及典司執事之  
屋分列左右皆版瓦黑油門柱○世子府制正  
門五閒啟門三繚以崇垣基高二尺五寸正殿  
五閒基高三尺五寸翼樓各五閒前墀環護石  
闌臺基高四尺五寸其上後殿五閒基高二尺  
後寢五閒基高二尺五寸後樓五閒基高一尺

四寸共屋五重殿不設屏座梁棟繪金采花卉  
四爪雲蟒金釘壓脊各減親王七之二餘與親  
王府同○郡王府制與世子府同○貝勒府制  
基高三尺正門一重啟門一堂屋五重各廣五  
閒甃瓦壓脊五種門柱紅青油漆梁棟貼金采  
畫花草餘與郡王府同○貝子府制基高二尺  
正門一重堂屋四重各廣五閒甃瓦餘與貝勒  
府同○鎮國公輔國公制與貝子府同

凡第宅公侯以下至三品官基高二尺四品以下高一尺門柱飾黝堊中梁飾金旁繪五采雜花二品以上房脊得立望獸公門釘縱橫皆七侯以下至男遞減至五五均以鐵士庶人惟油漆與職官同餘各有禁逾制者罪之

凡

賜宅以秩之崇卑定宅之大小其折價以宅之大小酌價之等差若

賜侍衛等宅與視文職差等同

凡八旗官兵分定居址禁毋逾越如遇調旗更地或仍居舊土或置宅遷移各隨其便隨所調旗分築室徙居者該都統酌給本旗官地

凡衢市廬舍如有力不能修漸至傾圯者或酌貸官銀旗民自為修繕或給價置買動帑葺治均區別緩急先後完整其不告官司私行拆售者依律科罪

凡直省會試舉人至蘆溝橋於橋西北稅局旁  
築室以待其止宿俾行李不與客商相雜以免  
稽察之擾

凡棲流所分設

京師五城交司坊官經營俾流寓窮民無所棲止  
者歸焉以免失所

公廨

凡公廨

國史館在

午門內

熙和門西南內閣在

協和門東南

誥勅房在

午門內東廊

起居注館在西廊六科中書科在

午門外東西兩廊內務府在右翼門外內鑾儀衛



在東華門內宗人府吏部戶部禮部兵部工部  
翰林院鴻臚寺欽天監太醫院在

長安左門外刑部都察院通政使司大理寺太常  
寺鑾儀衛在

長安右門外理藩院詹事府在御河橋東順天府  
國子監在安定門內光祿寺在東安門內太僕  
寺在正陽門內之東四譯館在正陽門外河南  
道察院在大理寺後中城東城北城察院在正

陽門內迤西南城察院在宣武門內迤東西城  
察院在刑部後步軍統領署在地安門外其制  
均築圍牆一重門二重前堂五間左右分曹兩  
廡列屋穿堂三間後堂三間左右政事廳各三  
間基高二尺門柱飾黹堊棟梁施五采觀象臺  
在崇文門內之東

紫微殿五間官廳十有二間繚以兩廡臺高五十  
尺磴道百級上設儀器八北為貢院圍牆布棘

東西門各一南嚮三門內為龍門樓曰明遠堂  
在外曰至公在內曰聚奎執事有所號舍萬閒  
鎖院試廳六十有一宗學分建左右翼官學義  
學按旗分置八旗教場在崇文宣武朝陽阜成  
東直西直安定德勝等門外各有演武廳至於  
刑有犴獄財用器械有庫百官各居其所以治  
事焉

凡修葺公廨由該部院衙門照例咨部委官覈

估會修工竣別委官察覈奏銷定限保固如違  
例行文及工有浮冒者論

凡直省文武官廨小修各官隨時苦補大修及  
有增建者均由督撫疏請部覆動帑興修工竣  
奏銷前後官接任入冊交代如督撫提鎮監司  
及州縣守禦等官蒞任有抑勒所屬修治衙署  
致累及兵民者文官以科斂律武官以尅減律  
論

倉廩

凡倉廩之制

京師倉十有三通州倉二均每間廣丈有四尺縱  
五丈三尺檐高丈五尺有奇下藉青甗上加木  
版牆址畱下孔以洩其濕廩頂建氣樓以散其  
蒸門用棧版聯五間或四間六間為一廩統數  
十廩或百餘廩為一倉中建官舍四旁鑿井外  
環圍牆

京師祿米倉建於朝陽門內凡五十七廩內二廩  
四間餘各五間共二百八十三間井六○南新  
倉建於朝陽門內凡七十六廩內二廩六間餘  
各五間共三百八十二間井九○舊太倉建於  
朝陽門內凡八十九廩內三廩六間餘各五間  
共四百四十八間井九○海運倉建於東直門  
內凡百廩內四廩六間餘各五間共五百有四  
間井十○北新倉建於東直門內凡八十五廩

每廩五間共四百二十五間井十○富新倉建  
於朝陽門內凡六十四廩每廩五間共三百二  
十間井十○興平倉建於朝陽門內凡八十一  
廩每廩五間共四百有五間井八○太平倉建  
於朝陽門外凡八十六廩每廩五間共四百三  
十間運水門三○萬安東西二倉建於朝陽門  
外凡九十三廩每廩五間共四百六十五間西  
倉運水門五東倉井四○裕豐倉建於東便門

外凡六十三廩每廩五間共三百十有五間○  
儲濟倉建於東便門外凡百有八廩每廩五間  
共五百四十間并三○本裕倉建於德勝門外  
清河橋凡三十廩每廩五間共一百五十間并  
三○豐益倉建於德勝門外安河橋凡三十廩  
每廩五間共一百五十間

隸內務府

通州西倉建於新城凡二百有三廩內一廩六  
間餘各五間共一千十有六間并九○中倉建



於舊城南門內凡一百十有九廩內一廩四間  
二廩六間餘各五間共五百九十六間井五  
凡漕糧輸運入倉所經之處曰土壩曰石壩及  
通州之南門各建屯屋以免露積大通橋為督  
催舟運稽察盤糧之要津屯屋之外更建監督  
官舍吏胥屋宇其各倉鋪藉席版放米後藏諸  
別屋以防朽蠹

凡倉門外均開水道跨以橋梁每歲春秋仲月

監督巡視疏濬

凡各倉歲修倉場侍郎豫領戶部庫帑每倉歲以百金為率隨時修葺年終彙報由部察覈題銷其數逾歲修定數者倉場侍郎咨部會都統御史覈計領帑各委官會修工竣報部覈銷凡直省有漕州縣及積貯備荒米穀均設有倉廩如不敷收貯或有寄貯寺觀及露積者許詳督撫題建新倉其應建不建者守土官論如法

營房

凡

京師營房在

皇城內者八旗滿洲步軍宿衛之處九十所內城  
九門各設巡房左翼三百二十七所右翼二百  
九十九所分隸八旗滿洲蒙古漢軍門以內皆  
令循環巡警附城列屋三千六百十有六間每  
旗各撥滿洲蒙古漢軍官兵挈家駐防並於城

門外各設巡房八間即令駐防官兵分班守衛  
外城七門設馬步兵巡房三百四十二所分隸  
巡捕三營巡守

凡內外城門各設班房更房內城百有五間外  
城八十間城上各設戍守望內城八十四所外  
城四十三所

圓明園等處共設馬步兵巡房百五十所

凡八旗舊教場內每旗建屋二千間共萬有六

千間分給官兵居止

圓明園四周八旗護軍每旗各設官兵營房千五百五十間內府三旗護軍官兵營房共五百有四間

靜宜園設健銳營官兵營房左右翼共三千五百三十二間碉樓六十有八

凡

京城營房營建修繕各由該總管都統暨步軍統

領咨部隨時葺治工竣覈銷

凡直省營房山海關熱河

盛京吉林黑龍江綏遠城西安寧夏涼州成都控  
制邊關天津青州京口江寧福州杭州荊州廣  
州襟帶江海均分營列戍駐防八旗官兵若會  
城重地大府雄鎮標協兵丁皆酌給廬舍如有  
隨時增建者由各督撫疏請動帑營造報部覈  
銷至水陸衝塗及地沿邊海均計里畫界設汛

鋪置斥堠以資守望地方官會同營弁隨時稽  
察離任入冊交代其歲修工費六年限內每間  
歲給銀二錢限外歲給銀三錢草房量減有差  
年終各督撫會計報銷有頽壞不修理者文武  
官弁叅劾分賠

物材

凡物材或成於鈞陶或市於商賈均有定制委  
積有所任載有費各異其宜

凡陶甃之制設琉璃窰於正陽門外之西以陶琉璃器具質用澄泥色有青黃翡翠紫綠黑甃甃異名各按模式吻有大小垂脊之飾各有等差以供

大工之用○臨清窰設於山東臨清州以水土之良作甃堅膩部頒式於山東巡撫給帑制造用則徵解部辨堅脆而差其直○蘇州窰設於江南蘇州府製造金甃大者方二尺二寸次二尺次



尺有七寸每正甄十備副甄三由江蘇巡撫給  
帑委官監造輸部部選收其精良者以備用  
凡收木之制木倉設天安門右千步廊外及通  
州之張灣

京師內外營建歲需各色木材由江蘇江西浙江  
湖南動支正賦市自民間輸運張灣部委官會  
監督驗收運入京倉以待需用其他出自遠方  
及非歲需者竢有取用計其多寡度其長徑行

所產之省採辦運送亦如之

凡採石之制工程需用之石各有宜稱視近

畿州縣諸山產石最良者委官定限採取按工計  
運給發價直採石煨灰亦如之

凡物價木辨良楮量其長徑石辨堅疎度其厚  
薄輒覓辨精粗計其大小以差等其價之高下  
若采飾之用雜需之材均因時採訪刊頒定則  
以便遵循俾百物之良要於平準

凡輸運水以舟陸以車舟運木計顆輒甃計數  
車運輒木皆權輕重程近遠分春夏秋冬以辨  
其運價而差等之由糧艘附運者不給價運石  
之車以石方一尺為度積二十七尺以一馬御  
石大則按數遞增琉璃瓦吻運以人挽小車計  
數按程近遠均差等其價以時給領

凡禁令官舍不得用琉璃瓦城輒民房不得用  
甃瓦窰廠去城五里不近通衢處始許設立

京師城北禁立私窰山地木石產於寺觀墳塋及  
有關墳脈者不得採伐違禁者論辦運官採擇  
不精良解送逾期交納虧數及驗收官藉端抑  
勒逾限不給實收者皆論

報銷

凡

京師營建工程物價以銀計工直以錢計遇有大  
興作奏支戶部庫帑其餘銀逾二百兩錢逾五

十緡者奏請交部會覈興工事竣報銷不及數者移部覈修月一會計列冊具奏○直省營建工程由督撫疏請部覆興舉動存公帑項按數支給如有鉅工需費浩繁經時告竣照原估之數陸續給發工竣題銷

凡監工官修建

壇廟

宮殿

欽命大臣董率選官任事各衙門工程部委司官筆  
帖式同該衙門委官監造管工官不料估原估  
官不承修以杜侵冒有浮多扣剋及造作不堅  
三年內傾圮者論

凡料估

京師工程無論大小皆豫為營度專設料估所以  
量丈尺權物價計傭直授成於督工之官工竣  
覆覈委滿漢司官四人領其事○直省工程所

司視其緩急按時確估具其實申督撫報部急  
工則隨估隨修工在可緩竣部覆準鳩舉工竣  
均別委官勘實具結題咨其有增估續估者皆  
先事報部仍於報銷冊內聲明待覈

凡覈銷在京修造工竣委官察驗與原估相符  
數在二百兩以下者彙疏二百兩以上者專案  
題銷並令管工官備冊移科道詳勘有浮冒及  
侵蝕者論○直省報銷工程造正副冊達部有

應駁減者籤注副冊發還改造如駁詰再三終未清晰者由部酌數覈減疏請完結若原估不敷續增工料未報請銷不得藉稱捐墊翼抵本案覈減之數

凡報銷期限

特旨修理工程工竣管工官限十日呈報清冊司官限十五日覈銷應繳費餘限五日內交庫各工計費在二百兩以內者限一月五百兩二月二



千兩三月五千兩四月五千兩以外按銀數至三千增限一月盛夏隆冬暫停工作餘月均令按限完竣仍於十日內呈報察驗覈銷二千兩以上十五日外增限五日萬兩以上再增十日應繳費餘定限如前其不依限完工及覈銷與繳庫遲延者並論專設督催所以掌催工完帑之事逾期呈堂察覈○直省工程督撫酌其大小難易定限報部或有他故不能如期告竣則

題咨展限工完逾期及報銷遲延者叅劾至工  
程覈減承修承追各官均定以年限不完者論  
如律

欽定大清會典卷七十二

欽定大清會典卷七十三

工部

虞衡清吏司

採捕

凡採捕有三曰東珠曰貂皮曰人參貂珠歲由黑龍江將軍捕牲總管按數選取輸納人參由戶部給票委官經理均會同內務府分等驗收貯庫

凡採捕之法採珠設珠軒置長上三旗珠軒五十  
有四下五旗珠軒三十有四每珠軒以得東珠十  
有六顆為率重自一分至十分為度每歲合計所  
入之數佳者或以一當五或以一當四當三當二  
尋常者仍以一當一分為五等不及等者不入正  
數內○捕貂索倫壯丁每名歲捕一貂冬季選貢  
鄂倫樁食糧壯丁如之其不食糧者每名亦歲捕  
一貂三等以上給直不及等者不給直烏良海壯

丁每名歲捕二貂按數輸納○採人參戶部委  
官攜信票出口招商給票入山開採每票以納  
人參十有二兩為則每歲所採以給票之多寡  
為盈縮採二年三年間停一年由

盛京吉林將軍寧古塔副都統隨時酌奏

凡採捕賞罰總管翼長驍騎校領催等督採東  
珠溢數至三十顆為一分多者按分加算賞給  
布帛有差溢數得千顆者總管翼長加一級驍

騎校領催等按分加賞上三旗由內務府下五旗由各王貝勒貝子等給予闕額至十顆為一分闕多者亦按分加算官降罰壯丁鞭責各有差紹分三等一等五百二等一千餘以三等收納足數及等者計額給賞銀布足數不及等者無賞免議不足數者罰責各有差

凡採捕禁令紹珠人參禁偷採旗民有犯皆論如法私載私販與盜採同該管官及守口官弁

失察徇縱者並論

鼓鑄

凡鼓鑄之法隸工部者曰寶源局置鑪三十有

一歲鑄錢七十一卯

以六千二百四十九緡二百七十文為卯

得錢

四十四萬三千六百九十八緡百七十文遇閏

加鑄四卯得錢二萬四千九百九十七緡有八

十文月運節慎庫備用

凡寶源局事掌於滿漢右侍郎其滿漢司官簡

用更代及選委筆帖式期滿升用與戶部寶泉局同

凡寶源局出錢以給工直餘俟戶部咨領到庫按數給發兵餉月以三萬緡為率

凡雲南之銅歲輸

京師寶源局者如戶部三分之一正運四每運銅三十六萬斤加運二每運銅三十萬六千七百二十斤共銅二百五萬三千四百四十斤其色



之高下運之遲速驗收考察均如戶部

凡寶源局需用黑白鉛錫歲輸自出產之省與  
戶部所用統解分收貴州白鉛上下正副分為  
四運共一百三十萬一千九百十有四斤湖南  
黑鉛上下二運共二十三萬三千五百二十三  
斤廣東錫歲一運計七萬五百七十一斤承運  
官及定限與運銅同

凡錢法考成禁  
令詳見戶部

軍器

凡修造甲冑橐鞬佩刀由八旗以應造之數具冊咨部部按官校及馬步軍等則各旗定價移戶部豫支官兵俸餉令軍需局依式造給需用鳥槍由旗咨部以庫貯給發○吉林新來京官兵給以軍器由該管官冊具人數咨部折價令其自備

車駕巡幸官兵需用帳房官以藍色兵以白色皆布為之由部備造貯庫各旗屆期領用回日按數

交納○直省駐防及綠旗營官兵鎗仗或增置  
或補闕均由督撫按修理城垣衙署例定價報  
部刊定章程畫一報銷

凡製造火器大者曰礮其制或鐵或銅或鐵心  
銅體或銅質木環或鐵質飾金重自五百六十  
斤至七千斤輕自三百九十斤至二十七斤長  
自一尺七寸七分至丈有二尺其擊遠或宜鐵  
彈或宜鉛子均助以火藥引以烘藥鐵彈自四

十八兩至四百八十兩鉛子自二兩至二十八兩火藥自一兩三錢至八十兩烘藥自三四錢至二兩皆按礮尺高下度數以定所及之遠近鑄礮之時或奉

旨命官監督或由部委官無常制小者曰鳥槍曰火礮曰火箭曰弩箭曰噴筒曰銃皆隨時成造○部設濯靈廠委官制備火藥

特命大臣督理廠設十礮二百盤每盤置藥三十斤

為一臺每臺礮三日者以備軍需礮一日者備  
演槍礮豫貯軍需火藥以三十萬斤為率隨用  
隨備八旗試演槍礮

盛京熱河右衛綏遠城及各蒙古等處兵丁操演  
所用火藥皆按年備造隨時憑文支給每火藥  
百斤隨烘藥一斤由部覈給硝黃土價製成請  
命大臣驗收覈實奏銷○直省駐防標協各營及邊  
關要隘分貯神功神威子母等礮每歲演放或

年久鎔蝕煨舊鑄新或綜覈盈絀酌撥均貯由  
各將軍督撫提鎮題準報部存案至修造鳥槍  
等器及歲需火藥鉛彈皆動用公帑報部覈銷  
凡

王命旗牌自經畧軍務至直省督撫提鎮皆

賜給以重委任損失者論○旗以藍繒為之方二尺  
六寸金書令字鈐以兵部印牌以木製形圓高  
一尺二分濶七寸五分厚一寸髹以硃漆中鐫

令字飾以金旁鐫號數槍長七尺圍一寸亦鐫  
號以備考察○步軍統領及直省駐防將軍皆  
給令箭箭上書金字如其官名綴以黃繒小旗  
歲久疏請由部更製頒給

雜料

凡鑄器頒行戶部及直省有司度量權衡由部  
按成式鑄造

壇廟

陵寢內務府八旗各部院寺及外藩外國賓館並各工  
所需用銅鐵器具皆委官督匠造給需用物料  
或以庫貯給發或移戶部支取或按市價採買  
皆月要其數奏銷

凡陶器內務府及各衙署工所取用陶器計其  
高下尺寸口徑大小按市價採買給發

凡黃布幔城網城及椿鋸駝屨備造貯庫遇

車駕巡幸需用內務府八旗太僕寺各衙門定數咨



取事畢如數交還

凡造車八旗礮車及棉簾車遇有修造購木材於直省支物料於戶部委官監製工竣題銷部設馬車九以供木倉門簾庫等處運送物件之用草豆役食均於戶部支領

凡葦席竿繩貯於惜薪廠收掌所內務府及各部院寺工所賓館遇有需用按數給發如用久殘朽給直採辦工完按時日之久暫定成數之

多寡分別交回有逾限不交及損失者論

欽定大清會典卷七十三

欽定大清會典卷七十四

工部

都水清吏司

河工

水利附

凡河道工程黃淮二瀆為大運河次之永定河  
又次之及南北條諸川湖淀附流入海分流濟  
運者咸受治焉

凡職掌江南河道總督一人掌黃淮會流入海

洪澤湖汕黃濟運南北運河洩水行漕及瓜洲

江工支河湖港疏濬隄防之事所屬河庫道一

人掌出納河帑淮徐河道一人轄銅沛邳睢宿

虹桃源同知四人豐蕭碭宿遷運河通判二人

二十四汎州同州判各一人縣丞五人主簿十

有二人巡檢七人分管

詳見則例

淮揚河道一人轄

山清裏河山清外河山安海防江防同知五人

高堰山盱桃源安清中河揚河揚糧水利通判

六人三十八汎州同州判各三人縣丞十有四

人主簿十人巡檢八人又西溪司安豐司管河

巡檢各一人十四牘牘官十有一人分管

詳見則例

河營叅將一人統轄淮徐淮揚各營淮徐河營

游擊一人轄九營守備九人二十一汎千總八

人把總十有三人淮揚河營游擊一人轄十一

營守備十有一人二十六汎千總九人把總十

有七人葦蕩營叅將一人轄左右營守備千總  
把總各二人○山東河南河道總督一人掌黃  
河南下汶水分流運河蓄洩及支河湖港疏濬  
隄防之事所屬山東運河道一人轄運河沂邳  
海贛同知二人加河捕河上河下河泉河通判  
五人二十八汛州同州判各三人縣丞十人主  
簿十有二人分管詳見則例分理泉河州同二人府  
經歷三人縣丞六人巡檢一人四十八舖舖官

三十一人兗沂曹兼管黃河道一人轄曹單黃  
河同知一人四汛縣丞一人主簿二人巡檢一  
人黃運河營守備一人轄七汛千總五人把總  
二人東昌德州二衛管河守備各一人德州運  
河南北兩岸管河千總各一人河南開歸陳道  
一人轄上南河下南河同知二人儀考商虞通  
判二人十二汛州判一人縣丞七人主簿四人  
彰衛懷道一人轄懷慶黃河開封上北河下北

河同知三人彰德河務衛輝鹽河懷慶河務曹

儀河務通判四人二十汛縣丞八人主簿十人

巡檢二人又林縣管河典史一人豫河懷河二

營守備各一人協辦守備各一人轄七汛千總

四人把總三人○直隸總督兼河道總督一人

掌漳衛入運歸海永定河歸淀疏濬隄防之事

所屬永定河道一人轄石景山永定河南岸北

岸同知三人三角淀通判一人十五汛州判三



人縣丞主簿各五人吏目二人通永河道一人

轄北運河務關同知一人北運河楊村蘆運糧

河通判二人十三汛州同一人州判四人縣丞

三人主簿五人天津河道一人轄南運河津軍

河間河捕同知二人泊河子牙河通判二人西

汛清河故城吳橋管河縣丞各一人東汛景州

滄州管河州判各一人天津管河縣丞一人東

光交河南皮青靜海獻管河主簿各一人青縣

管河巡檢一人清河道一人轄保定河捕同知

一人正定糧馬河通判一人分汛冀州祁州安

州管河州判各一人武強隆平寧晉兼管河務

知縣各一人清苑蠡高陽新安雄安肅新城管

河縣丞各一人保定任邱唐管河主簿各一人

滿完方順橋管河巡檢各一人深澤管河典史

一人大廣順河道一人轄廣大漳廣平河務漳

河同知三人分汛永年邢臺沙河南河平鄉廣

宗鉅鹿唐山內邱任元城大名魏東明長垣兼  
管河務知縣十有五人元城大名魏長垣管河  
縣丞各一人永年成安管河典史各一人永定  
河河營守備一人轄南北岸淀河三汛千總把  
總各一人石景山汛千總一人北運河汛千總  
把總各三人南運河汛千總一人把總八人東  
淀堡船千總一人西淀堡船把總一人

凡河兵各有定額

詳見兵部營制

於綠旗營兵之外別

自為伍專屬河工調遣及守汛防險之事其分  
戰守給餉仍如綠旗營制惟江南葦蕩營河兵  
專司樵採不與雜役

凡夫役江南山東河南設堡夫山東江南設牘  
夫直隸山東設淺夫河南設柳船長夫椿埽夫  
山東設徭夫泉夫壩夫軍夫橋渡夫直隸設秘  
夫防夫各隨其地之宜其食於官也則視役之  
輕重以為差山東運河屆疏濬之年按其工之

大小別募夫役工竣則止

凡工式蓄洩隨宜曰牐蓄洩以漸曰涵洞束水  
曰隄隄外重以隄曰遙隄隄外築隄俾河流遶  
越而過曰越隄亦曰月隄兀立者曰縷隄截流  
曰壩洩漲者曰滾水壩曰竹絡壩銳出河流以  
分水勢者曰磯嘴壩護隄曰埽埽有魚鱗龍尾  
丁頭之別護埽曰障障有六楞三楞排木之異  
他如以導大溜則有木龍柳牌以濟覆舟則有

救生椿木均如式建置限年保固

凡經費各工有修防之費有俸餉之費有役食之費有歲報圖冊之費江南河工有歲增五寸之費山東有疏濬運河之費各有常額江南以河庫道河南以開歸陳道彰衛懷道山東以運河道直隸以天津道通永道永定河道清河道大名道掌其出納歲要其數於河道總督覈實奏銷侵蝕者論

凡物料葦柳秫稽論束蘘麻論斤土論方甓論塊石料分雙單椿木別杉楊下至石灰米汁釘鐵之屬各有定則有額者歲辦如額無額者如其需用之數購備均按則給價剋扣浮冒者論凡修防以工程告竣保固限滿交汛之日為始其工當衝溜須用長椿大埽歲加鑲築費有定額者曰歲修或河流遷徙及三汛屆臨偶被刷損隨時搶護工費在五百兩以內者曰搶修江

南黃運河隄工每歲增高五寸亦曰歲修其覈費具題也歲修以十月搶修無定期題銷均以次年之四月逾限者論別案大工不在此限凡三汛歲以清明節閱二十日為桃汛自桃汛後至立秋前為伏汛自立秋至霜降為秋汛屆期該管官弁督率兵夫多備物材晝夜分防有警則鳴金為號集附近兵夫協力搶護如汛臨工固河道總督馳奏安瀾



凡疏濬河道面必廣底必深運土必於隄內無  
隄者以去河百丈為率運河歲小濬閒歲大濬  
黃河無定期遇沙停淤積即為濬治其法或以  
勺或以刮版或以浚船皆因地制宜不拘器具  
凡浚船以疏淪河道柳船以濟運物材袋船與  
浚船同石船與柳船同均以三年小修五年大  
修更造則河南江南以八年直隸以十年

凡保固黃河工程限一年運河限三年江南河

東同直隸南運河限三年北運河限二年永定  
諸河險工限一年平易工程並限三年均以報  
竣之日起限限內衝決責承修官暨督修官賠  
修不修治以罪限外衝決守汛官弁暨該管文  
武官沿河州縣皆分別議處

凡葦柳議叙河工官弁於沿河隙地捐資種植  
葦柳小楊備用者葦以一頃柳以五千株楊以  
五百株計算各紀錄一次按數遞加葦至四頃

柳至二萬株楊至二千株者各加一級居民捐種葦柳小楊至官弁應議加一級之數者各予以九品頂帶榮身葦蕩營餘葦至十萬束以上者議叙不及數者分別議處

凡禁令牘官非時啟閉糧船不候會牌官民船不遵漕規擅自爭放並頑民包攬夫役盜決河防或傍隄驅車占隄蓋房者均有禁違者並論如律

凡水利直省河湖淀泊川澤溝渠有益於民生者以時修治務令蓄洩隨宜旱潦有備以府州縣丞倅佐貳董其役各給以管理水利職銜

海塘

江防附

凡海防江南以蘇松太道浙江北塘以杭嘉湖道南塘以寧紹台道掌其修防之政承以府丞倅分理以州縣佐貳等官事關題奏均由督撫凡塘工皆以石其非潮汐衝撼之所閒用土工

或用柴工均如式建置限年保固物材價直率與江南河工同

凡歲修歲以冬至前該管道察其境內塘工之應修治者計費以申於督撫督撫覈實廼率屬興工工竣限四閱月奏銷每歲俸餉役食之費咸入奏焉

凡塘汎沿塘十里或五里為一汎每汎設一斥堠在汎各兵晝夜分巡以資防守

凡夫役江南設塘長每塘四里或五六里設一  
長浙江設堡夫北塘一里一夫南塘二里一夫  
皆令在塘主守遇柴土各工偶有刷損即為補  
治歲給役食有差

凡江防四川以成都府同知湖廣以武漢黃德  
道上荆南道下荆南道江西以九江府同知掌  
其修理均無定期如所屬隄岸工程偶被衝刷  
該管道廳即履勘計費以申於督撫督撫覈實

具題興工工竣報銷惟江南瓜洲江工歲修由

江南河道總督奏銷

詳河工  
典則

### 橋道

凡都城街道十有六外曰正陽門街曰崇文門街曰宣武門街曰左安門街曰右安門街均南北為衢曰廣寧門街曰廣渠門街均東西為衢內曰崇文門街曰宣武門街曰安定門街曰德勝門街曰地安門街均南北為衢曰朝陽門街

曰阜成門街曰東直門街曰西直門街均東西  
為衢坊二十有四在正陽門外正陽橋者以橋  
名坊朝陽門外達東郊

日壇神路者曰景升阜成門外達西郊

月壇神路者曰光恆舊均名安定門外達北郊

方澤壇者曰廣厚舊名泰折東西長安街均以街名坊

大清門東曰敷文西曰振武崇文門內曰就日宣  
武門內曰瞻雲東大市街南北均以街名坊東



曰履仁西曰行義西大市街與東大市街同太學東西皆曰成賢府學東西皆曰育賢

帝王廟東西皆曰景德其界則外屬五城內隸八旗平治由步軍統領繕修均由部○直省坊衢之政各由地方有司掌之禁侵占時修理其工要而費鉅者並準動帑修造報部覈銷凡都城橋梁內外跨

御河者十護

禁城者十有五水陸大小橋梁三百有七十均由  
部時其修理以利行人○直省府州縣治護城  
河均設橋梁與

京師同其津要之處隨宜建置動帑者按則報銷  
凡除道恭遇

乘輿出入九門以內由步軍統領九門以外由大興  
宛平縣令先期清

蹕

巡幸直省由地方有司平治

御道嚮導大臣暨隨

駕之本部堂司官察勘

凡柵闌

禁城內外共千七百二十有六以司啟閉遇有損壞內城由八旗外城由三營各申步軍統領咨部修葺

凡水溝周通

京城大小衢巷以洩夏秋潦水歲以暮春或季秋  
司坊官旗弁各列內外城應疏溝道呈步軍統  
領募夫濬治工竣由部委官察勘

船政

凡糧船山東河南江蘇安徽浙江每船長七丈  
一尺濶一丈四尺四寸江西湖廣長十丈短者  
九丈每造一船給工料銀二百八兩由部準戶  
部移咨覈覆興工各令本省糧道監造造後出

運十年報部題銷

修理及更造年限詳戶典漕運

凡戰船每船長十有一丈至一丈九尺濶二丈三尺五寸至九尺六寸各有差天津山東福建船均屬外海江西湖廣均屬內河江南浙江廣東分屬外海內河外海定限三年小修六年大修九年再大修不堪修者更造內河三年小修八年大修十一年再小修十四年再大修不堪修者更造修造之費有正價有津貼正價各以

其直無定額津貼每正價百兩自加四加六加  
八至加倍倍半有差由部準兵部移咨覈覆修  
造各令本省道員會同副叅等將弁監造工竣  
報部題銷

凡水驛船江蘇安徽江西湖廣廣東均定限三  
年小修五年大修十年更造其湖廣之宣樓船  
每歲一修更造同浙江四川大修以六年小修  
更造同廣西小修以三年更造以五年工料銀

小修自一兩七錢至九十七兩大修自二兩九錢至一百九十一兩更造自六兩九錢至二百九十四兩歲修湖北二十一兩湖南十有六兩各有差由部準兵部移咨覈覆修造工竣會兵部題銷

凡應差船江南定限三年小修六年中修九年大修十二年更造浙江三年小修六年大修十年更造工料銀小修自十有九兩至六十八兩

中修自七十三兩至九十四兩大修自二十九兩至一百五十九兩更造自九十七兩至二百六十兩各有差由部準督撫移咨覈覆修造工竣報部題銷

凡直省河海江湖及灘汎危險之處各設救生船修造年限視內河戰船各省同惟山西之河津甘肅之歸德所船無修限率數年一造工料銀小修自二兩二錢至二十七兩大修自四兩



三錢至四十五兩更造自七兩七錢至七十九兩各有差由部準督撫移咨覈覆修造工竣報部題銷

凡直省水陸通衢有浮梁

亦名橋船

有渡船或歲修

或限年修各省不同更造率以十年惟浙江尖山浮梁以二年四川通西藏渡船以三年福建廣東海口渡船修造與戰船同並準動帑辦理由部覈銷

藏冰

凡伐冰取諸

御河及龍王堂蓮花池歲以冬至後半月部委司  
官一人募夫伐冰取其明淨堅厚者以方尺有  
五寸為塊

凡納冰

紫禁城內窖五藏冰二萬五千塊

景山西門外窖六藏冰五萬四千塊德勝門外窖

三藏冰二萬六千七百塊以供各

壇

廟祭祀暨

內廷之用德勝門外土窖二藏冰四萬塊

正陽門外土窖二藏冰六萬塊以供公廨官學及  
各門各監獄官設暑湯之用

凡工費計塊酬直以納於

紫禁城內及各門外為差如藏冰不敷用從市採

買以夏月及秋月為差均由部給發

凡畿輔藏冰以供

陵寢祭祀

昭西陵由遵化州薊州

孝陵

孝東陵由豐潤縣

景陵由遵化州

妃園寢由薊州

泰陵由易州

孝賢皇后陵寢由豐潤縣均豫年伐藏

凡

車駕巡幸直省均由地方有司供用無常數惟熱河  
定冰二千塊喀喇河屯三百塊巴克什營兩間  
房長山峪樺榆溝中關小營波羅河屯各百塊  
均豫年伐藏

欽定大清會典卷七十四



總校官候補中書臣吳紹潔

校對官編修臣莫瞻菴

騰錄監生臣吳靖

騰錄監生臣李德